

金

石

續

編

金石續編卷第十二

唐

五代

十國

武進陸燿燾纂

太倉陸增祥校訂

唐九

開元寺隴西公經幢讚

幢高四尺八面四正面各廣六寸五分六行四隅各四寸五分四行行三十八九字不等正書在直隸易州

當州市老奉為

太守隴西公政理衆造 尊勝陀羅尼石幢讚并叙

軍事衙推文林郎前守滿城縣令王棟撰

上谷郡扼燕趙之中樞標河山之壯觀俗惟獷悍兵本驍雄苟非正人孰董斯任洎

天子憂邊乃心北眷爰命

隴西公付之是理 公承榮鼎勳積慶 庭闈 勳功

倚天寵賢蓋代莫不銀黃照路粲戟盈口以上六行列

藩翰以推才非由黨援繼軒裳而受 命盡出忠貞惟

公器能迥拔乎萃實為世濟其美口不乏賢昔荀氏

九公大誇晉室楊門五組獨耀漢朝方之寵榮諒有慙

德况 公宏才博識應物知機洞教化之根源導生靈

之骨髓內足以闡提聲教翊贊 謨猷扶 社稷之洪

基外足以戡定戎夷恢張土窟壯 皇王之大業

始者褰帷問俗露冕觀時頒政事於六條頰綱盡舉播

威以上四行 聳於十郡異化斯彰且楊震懷金徒為克

第二面

慎胡威賜絹未曰清貧奔無益以功成賤易物而已足
刑期不濫劉寬何貸於蒲鞭信及無私郭伋詎慙於竹
馬由是面臨朔塞北拒胡塵或刁斗晝驚或烽煙口起
雖軍兵示勇壁壘爭雄而烽鼙難防犬羊易擾公乃
增崇雉堞克濬池隍頒月俸以具口糧伺農隙而興畚
築量功命日慮事庀徒楚令尹以立沂城方之未重趙
宣子之臨晉國比此攸輕而又創脩馬軍營別立防城
院當講武論兵之地實曰訓齊在夸戎耀狄之秋何妨
致脩沉機內設妙畫斯彰轟脩廡以連雲敞橫軒而對
日文櫬平映藻井交分既大壯於軍威亦允陳其師律

以上六行
第三面

至若武賁羸履鐵騎舌翹森鉞棘以霜攢聳

○輶而岳立精而養銳習以程功連營懷□□□□
□□射鵬之勇頃以苗螟作厲菜騰興灾致比戶以流
離當數率之耗竭加以橫征重斂凶□□□□□□
何嘗曠日公乃大敷仁愛深軫疲羸一年而俗阜時
康再歲而家給人足自然□□□□□□雨知期隴多合
穗之祥川有還珠之媚市無易賈農不遷業將畏愛以
兼行在恩威而畢□以上四行高樓□□□貨賈而如
山廣陌長衢沸歌鐘而若市既庶且富極樂無荒昔為
曠廢之邦今作繁□之地邵父杜母□自前聞羊字賈
名仰為虛稱市老□謂曰夫百姓不能以自治是立
君以治之

明君不能獨治是為臣以佐之□

公之賢其孰能繼誠歎詠之不足遂黃呼以無窮□□
□□□ 陀羅尼幢立在 開元寺上以光昭 懿績次
以顯答 休息是宜刻石傳功垂文著美將依妙法式
贊 嘉猷且釋氏廣慈敬之門開緣果之路慧燈長照
法海前流三十三天共結青蓮之會百千万 佛咸
觀白馬之經况妙盡雕鏤功窮篆籀鰲擊以上六行鳳
舉似倒龍宮鳥跡垂文如窺貝葉晴峯迴映便同靈鷲
之山曉木傍臨宛是祇陀之樹莫不金龍護助寶刹庄
嚴增壽劫於恆河布福田於淨域天長地久將垂不朽
之切万古千秋永保無疆之慶讚曰

巍巍

我皇

膺圖受命

挺生間傑

匡時翊聖

百氏丹青 九流龜鏡 四岳惟賴 六條斯正

理若砥平 心如口靜 對以觸邪 直不容佞

以上 第六 人惟愷樂 境絕紛爭 曠戾懷柔 惇姿遂

性 濡袴興謠 倉箱起詠 爰崇妙法 用荅良因

奇功既就 衆願斯申 規模盡妙 彩飾如神

千花平映 七寶交陳 慈雲布雨 慧草留春 祥

煙入座 瑞鳥迎人 童艾歡呼而塞路 齋壇戒潔

以清塵 將垂 懿範 水勒貞珉 唐廣明二祀

孟夏月九日記 開元寺沙門修一書 鐫人

以上六行 第七面

銀青光祿大夫檢校國子祭酒使持節易州諸軍事

守易州刺史兼御史中丞充高陽軍使上柱國李經
攝高陽軍副使銀青光祿大夫檢校太子賓客榮
王府司馬兼御史中丞上柱國張建時

軍事判官攝易州長史將仕郎試太常協律郎
郭鈞

都押衙兼馬步都虞候石彥昭

討擊副使充軍城都虞候張審言

左廂兵馬使吳棠

都勾當脩功德主衙城都虞候兼右廂兵馬

使王景芳

以上四行
第八面

按易州開元寺石幢讀乃易州市老為太守隴西

公造尊勝陁羅尼石幢於開元寺軍事衙推前守
滿城令王悚撰讚并叙寺僧修一書太守隴西公
者卽幢後所書之使持節易州諸軍事易州刺史
充高陽軍使李縉也搨本八面備具無尊勝陁羅
尼蓋別刻一幢或同一幢而分上下兩截遂失搨
耳易州以易水名卽上谷郡元和郡縣志易州禹
貢冀州之域周為并州地春秋屬燕晉戰國屬燕
趙秦為上谷郡漢分置涿郡今州則涿郡故安縣
之地隋開皇元年改易州大業初為上谷郡武德
四年又改為易州高陽軍在城內開元二十年置
管縣六滿城縣東北至州百四里僖宗廣明二年

七月改元中和此幢立於四月故猶稱廣明二祀
通鑑僖宗乾符中王仙芝陷定州震驚河朔時連
歲旱蝗耕桑半廢叙所謂蜂蠆難防犬羊易擾苗
螟為厲萊騰興災比戶流離數年耗竭是也黃巢
僭亂帝幸成都朔方數州尚為安堵故市老立幢
以讚隴西政理讚叙為屬僚王悚所撰而沙門修
一法書之美足與有唐一代智永普昌懷仁洪滿
行滿從謙翹微大雅知祥溫古靈迅懷素元應欽
造無可齊操建初契元詞浩諸名僧並傳金石家
從未著錄何也

董昌生祠記

摩崖高下大小隨崖書刻字大者徑尺小者三五寸不等正書在浙江山陰叢山天王寺後

唐景

第一行

福元年

第二行

歲在壬子

准

第三行

上卽

度

第四行

上國隴西

第五行

上生祠堂

第六行

二月十

口柳

六

第七行

山建立

第八行

下山

遍山栽

第九行

下

第十行

按唐書逆臣傳董昌杭州臨安人籍土團軍以功擢累石鏡鎮將率兵自領州事鎮海卽度表為刺史進義勝軍卽度使檢校尚書右僕射兼諸道採訪圖籍使累拜檢校太尉同中書門下平章事爵隴西郡王託神以詭衆立生祠刳香木為軀內金玉紈素為肺府冕而坐會稽錄董昌未僭時有王

守真者俗謂之王百藝生祠彫刻形像塑續官屬
及設兵衛狀若鬼神皆百藝所為妖偽之際悉其
幻惑吳越備史乾甯二年二月威勝軍節度使董
昌僭稱皇帝建元順天國號羅平王表其事詔王
討昌有云因憑生祠假陳妖異又云欲就叢祠妄
舉狐鳴之兆皆即指此昌立生祠唐書不詳何時
何地觀此記則知以景福元年立於越州時昌已
移鎮浙東以杭州授錢鏐也唐書義勝軍吳越備
史作威勝軍攷五代史記吳越世家唐升越州威
勝軍以董昌為節度使昌死改威勝軍為鎮東軍
與備史合當以威勝為正摩崖剝蝕准下別行當

為勅建立等字節度上為威勝軍國隴西上下闕
字則上柱國隴西郡王也

山居洞杜鵑詩刻

石高二尺廣二尺六寸二十行行十三字至
十五字不等正書在廣西臨桂縣龍隱巖下

山居洞前得杜鵑花走筆偶成以口

桂帥僕射兼寄呈

廣州僕射劉公河間張濬

桂中籌策知無暇洞裏口花別有珍獨酌高吟問山水
到頭山景屬何人

伏蒙

僕射相公口口口攀和杜鵑花詩請口石口以口口

本乏□□別□絕唱復荷 發揚之□□□唐突□
愛特□ 送□□□□□謹次□□兼寄呈

桂府僕射

前嶺南東道節度使 下不可辨

碧□紅□合 洪釣桂樹林前□獨珍莫戀花時好風

景

礮溪不是釣魚人

乾寧元年三月廿七日將仕郎前守監察御史

張巖書

唐張瘡及嶺南節度使劉崇龜唱和杜鵑花詩二首

前監察御史張巖書札音刻 元年刻叢編

右刻在臨桂龍隱巖下為水衝激字僅彷彿可識案
瘡崇龜史皆有傳瘡貶連州繡州均未至屋華州依
韓建乾元元年正依建時也崇龜為嶺南東道節度
使亦未至瘡詩當是寄桂帥轉寄崇龜者崇龜和章
見全唐詩題云寄桂帥玩其詞意實飛答瘡者

廣西通志

金石

按詩刻摠湯難辨廣西通志誤釋者不下四十餘
字悉為更正

韋君靖建永昌寨記

高六尺廣丈二尺五十三行行二十九字正
書左行在四川重慶府大足縣北山摩崖

金紫光祿大夫檢校司空使持節都督昌州諸軍事守

昌州刺史充昌普渝合四州都指揮靜南軍使兼御史大夫上柱國扶風縣開國男食邑三百戶韋君靖建

軍事判官將仕郎前守靜南縣令胡密撰

□□象緯降靈河嶽孕粹必能挺生人傑卓立功名為
當世之元勳作□□之巨屏苟非鑒識洞達機變
玄微孰能剗製竒功抑揚大節不有紀述□□來

我太守司空京兆公陶唐氏之遠竄漢丞相之後
昆簪組相繼□□別國史詳備家譜具存布在簡
書畧不覲縷公少蘊大志長負□□刻鵠之工微耻
雕虫之技薄相時而動臨事不疑懷

貫日之精誠蔚凌雲之氣宇語仁智則樗里罷說較

威猛則烏獲休扛嚮□□□心若子牟之戀主從

軍立績同馬援之征蠻滅竈得孫臏之謀投筋秘留侯
之策揮劍即蛟螭潛伏彎弓而猿狖啼號加以月角衝
衝犀文貫頂視意氣堂堂罕匹覲神彩赳赳無雙
實命世之宏材為一時之英俊者也頃以乾符之
際天下騷然蝗旱相仍兵戈四起公覩茲遐僻人不
聊生遂合集義軍招安戶口抑強撫弱務織勸農足食
足兵以煞去煞洎黃巢侵陷京闕

鑾駕出幸成都四海波騰三川鼎沸韓秀昇勃亂黔峽
侵軼巴渝公乃統率義軍討除逆黨值秀昇盡拋舟
楫圍逼郡城公乃詳度機宜上下攔截依山排陳背

水布兵兩面夾攻齊心剪撲賊勢大敗我武益揚渝牧
田公備錄奏聞口忠節檢校御史大夫除拜普州刺史
適值川帥効逆將臣專征公乃收復合州絕其枝
蔓恩旨加右散騎常侍除拜合州刺史泊鄭
君雄口口失律廣漢山行章尚書攻圍當川故府
主太尉丞相顧公累降命旨頻招起應公統領精銳
二萬餘人虔告蒼龜申令士卒併破二十七寨煞戮萬
餘口人大振威聲上聞
特授工部尚書拜當州刺史充昌普渝合四州都指揮
靜南軍使累加刑部尚書左僕射公以臨郡歲久迺
思退居上表陳情

口口口口 詔旨褒獎特許量加金紫光祿大夫檢校
左僕射扶風縣開國男食邑三百戶 公累銜

詔命口口兼符政茂潁川 化光河內邑有倉箱之詠
俗多襦袴之謠求瘼之念彌堅除害之心尤切其於駕
馭英傑取捨權豪重仁義如回山輕金帛如泥 憐孤
恤老濟弱扶危逆旅如歸遠奏鄭庄之驛遊人若市悉
登漢相之門其拯綏四方乃如此也每遇良辰美景月
夕花朝張絃管以追歡啓盤筵而名侶周旋有禮揖讓
無譁罇酒不空座客常滿王衍之水壺轉瑩稽康之玉
岫 頽其禮讓又如此也至若立功立事為 國為家
或坐運玄符或親提黑槩口掃凶徒謀必十全舉無遺

策其剛毅果敢又如此也當其賞功罰□□□□
獎公勤黜弃私黨三軍咸德万众歸心其恩威刑
賞又如此也□以江濤未息雲陣猶橫常厚駢脅左綿
戴寶奔衝遂府使除呼逼遛檄征行然則士馬雖精
其如城柵未固思大易習坎之義徵王公設險之文乃
於景福王子歲春正月卜築當鎮西北維龍嶺山建永
昌寨茲山也上掩霄竊下抗郊原矗侶長雲翠如斷岸
崖巘重疊磴道崎嶇一夫荷戈万人莫上芟薙草木相
度地形人力子來畚鍤雲至連薨比屋万户千門高亢
□□深□溝洫煙籠粉堞霞捧朱樓龍吟笳角之聲雷
動鼓鼙之響而又良工削墨大匠設規築城墻二千餘

間建敵樓一百餘所遐瞻天際非龜形之可同高倚雲
間豈蜃樓之可擬其上即飛泉迸出涿沼旁流崢嶸一
十二峰周圍二十八里蓋造化之凝結豈金湯之比倫
况乎糧貯十年兵屯數萬遐邇臻休軍民胥慶耕織無
妨徭役不闕可謂一勞永逸有備無虞 公又於寨內
西□□□□□翠壁鑿出金仙現千手眼之威神具
八千種之相好施□□錢舍迴祿俸以造淨圖聆鐘磬
於朝晷喧讚唄於遠近所謂歸依妙門□□□者焉
其軍中節級將校等深達機略博識古今皆是 公同
志弟兄異姓骨肉一心報 國勩力從軍咸奉

渥恩皆霑爵賞或官崇題劔或位列專城或榮授金貂

或臧兼霜憲雅符際會允屬 休明請列署名銜庶不
墜勲業密叨依 門館累戴 恩光學淺文荒紀

□□其未盡神愚智拙錄 美事而猶疎輒將鄙俚之
詞聊述□□之績將欲煥乎不朽傳之無窮遂葺斯文
乃鐫貞石大唐乾寧二年歲次乙卯十二月癸未朔十
九日辛丑記

下截

節度十將充千□□□義軍將盧井勝

節度衙前虞候充□□□義軍將李思儒

節度衙前總管充□□□義軍將杜元僖

節度十將充龍□□□□將唐叔儀

節度十將充□□鎮遏將檢校國子祭酒兼御史大夫

上柱國羅行舒

節度衙前總管充□□灘鎮將梁德昌

節度先鋒將充□□義軍將袁南澣

軍事押衙充□□義軍鎮遏將趙沛

節度十將充□□義軍鎮遏將趙公武

節度十將充□□義軍鎮遏將檢校太子賓客兼侍御

史上柱國袁義遵

節度十將充安溪義軍將檢校太子賓客兼侍御史上

柱國袁公會

節度衙前虞侯充賴甘斜崖義軍將廖居瑤

節度先鋒兵馬使充甘泉義軍將檢校國子祭酒兼侍
御史上柱國杜元立

節度先鋒兵馬使充來鳳義軍遏使檢校國子祭酒兼
御史中丞上柱國韋君芝

節度押衙充□□義軍鎮遏使檢校國子祭酒兼御史
大夫上柱國何榮 王彥昌

節度討擊使充歷山義軍鎮遏將檢校太子賓客兼侍
御史上柱國楊思及

節度摠管□□□各義軍鎮遏將檢校國子祭酒兼
御史中丞上柱國韋君球

節度散□□使充龍歸義軍將檢校國子祭酒兼御史

中丞上柱國何膺

節度副兵馬使充防城將兼來蘓鎮檢校國子祭酒兼
御史中丞上柱國高孟球

節度副兵馬使充安溪鎮副將檢校國子祭酒兼侍御
史上柱國王公進

節度副兵馬使充進雲寨鎮義軍都虞候銀青光祿大
夫國子祭酒兼侍御史上柱國羅從順 韋義豐

節度副兵馬使充進雲鎮判官銀青光祿大夫國子祭
酒兼侍御史中丞上柱國毋從政 趙乾浼

節度先鋒充進雲鎮副兵馬使銀青光祿大夫檢校左
監門衛□□兼御史大夫上柱國韋君意

節度先鋒兵馬使充昌元縣界遊奕義勇使檢校國子祭酒兼御史大夫上柱國羅元直

節度押衙充靜南軍先鋒都知兵馬使兼三州捕盜使檢校左散騎常侍兼御史大夫上柱國韋君政

節度押衙充葛仙寨義軍使前陵榮州捕盜感化軍使檢校左散騎常侍守左驍衛將軍兼御史大夫上柱國李行瑄

節度押衙充龍水義軍鎮遏使檢校國子祭酒兼御史大夫上柱國羅宗權

節度押衙充柳溪義軍鎮遏使檢校國子祭酒兼御史大夫上柱國梁公環

節度押衙充南峰義軍鎮遏使檢校國子祭酒兼御史

大夫上柱國王元照

節度押衙充東流義軍鎮遏使檢校國子祭酒兼御史

大夫上柱國龍著

節度押衙充董市義軍鎮遏使檢校右散騎常侍兼御

史大夫上柱國伏芝進

節度押衙充永川界義軍鎮遏使檢校國子祭酒兼御

史大夫上柱國梁文備

節度押衙攝永川縣令充義軍使檢校國子祭酒兼御

史大夫上柱國杜元立

節度押衙充凌雲寨義軍鎮遏使檢校右散騎常侍兼

御史大夫上柱國牟省立

節度押衙充雲門寨義軍鎮遏使檢校國子祭酒兼御史大夫上柱國張雅

節度押衙充四州指揮都虞侯進雲寨都團練義勇鎮遏使檢校右散騎常侍兼御史大夫上柱國章君遷

節度左押衙充四州都指揮副兵馬使安溪鎮遏使檢校左散騎常侍兼御史大夫上柱國賈文潔

應管諸鎮寨節級

富州軍府官節級

節度左押衙充四州軍副押銀青光祿大夫檢校國子祭酒兼御史大夫上柱國馮義簡

節度押衙充軍府都勾官銀青光祿大夫檢校國子祭酒兼御史大夫上柱國王□□

節度押衙充左廂衙隊使銀青光祿大夫檢校左散騎常侍兼御史大夫上柱國梁貴儼

節度押衙充右廂衙隊斬斫等使銀青光祿大夫檢校右衛武將兼御史大夫上柱國李志

節度押衙充左後院隨身衙隊使銀青光祿大夫檢校左散騎常侍兼御史大夫上柱國韋和銖

節度先鋒兵馬使充軍州都押衙銀青光祿大夫檢校國子祭酒兼御史大夫上柱國韋壽

節度押衙攝昌元縣令充牢城使銀青光祿大夫檢校

國子祭酒兼御史大夫上柱國韋寶

節度押衙充左廂將銀青光祿大夫檢校國子祭酒兼御史大夫上柱國□士章

節度押衙充右廂將銀青光祿大夫檢校國子祭酒兼御史大夫上柱國□□德

節度押衙充左親近將銀青光祿大夫檢校國子祭酒兼御史大夫下

節度先鋒兵馬使右親近將銀青光祿大夫檢校國子祭酒兼御史大夫□□□君幸

節度押衙充宴設將兼主兵十將銀青光祿大夫檢校國子祭酒兼御史大夫□伯銖

節度先鋒兵馬使充後曹將銀青光祿大夫檢校國子祭酒兼御史中丞上柱國韋銖

節度先鋒兵馬使銀青光祿大夫檢校國子祭酒兼御

史中丞上柱國

缺下

節度押衙充左元隨都押衙銀青光祿大夫檢校左散騎常侍□□□□上柱國韋益銖

節度押衙充右元隨都押衙銀青光祿大夫檢校國子祭酒□□□□上柱國趙師恪

節度先鋒兵馬使充義軍將銀青光祿大夫檢校國子祭酒□□□□上柱國何璠

節度先鋒兵馬使充龍水鎮將銀青光祿大夫檢校國

子祭酒□□□上柱國王伯章

節度先鋒兵馬使銀青光祿大夫檢校國子祭酒御史中丞上柱國王伯格

節度先鋒兵馬使銀青光祿大夫檢校國子祭酒兼御史中丞上柱國潘延矩

節度先鋒兵馬使充左元隨副將銀青光祿大夫檢校國子祭酒兼御史中丞上柱國韋寶銖

節度先鋒兵馬使充右後院隨身將銀青光祿大夫檢校國子祭酒兼御史中丞上柱國謝公彥

節度先鋒兵馬使充內院隨身副將銀青光祿大夫檢校太子賓客兼侍御史上柱國韋公銖

節度押衙充義軍使銀青光祿大夫檢校國子祭酒兼
御史大夫上柱國韋君□ 王彥芝

節度先鋒兵馬使充右後院副將銀青光祿大夫檢校
國子祭酒兼御史中丞上柱國韋宗銖

節度先鋒兵馬使充脩造將銀青光祿大夫檢校太子
賓客侍御史上柱國王□□□□ 韋迪銖

韋彥銖 韋君貞 何彥曾 韋建銖 王伯球

譙琪 楊魯章

節度先鋒兵馬使充客將銀青光祿大夫檢校國子祭
酒兼御史中丞上柱國王彥昌 王彥□

節度押衙充主兵十將銀青光祿大夫檢校國子祭酒

兼御史大夫上柱國任

下

節度押衙充主兵十將銀青光祿大夫檢校國子祭酒

兼御史大夫上柱國趙文何□□趙元進

節度先鋒將充主兵十將銀青光祿大夫檢校太子賓

客兼殿中侍御史上柱國□伯仙梁廣

節度散兵馬充橫衝將銀青光祿大夫檢校太子賓客

侍御史上柱國何德章君要

節度先鋒兵馬使充左廂兵馬虞侯銀青光祿大夫檢

校太子賓客兼殿中侍御史上柱國呂演

節度先鋒兵馬使充右廂兵馬虞侯銀青光祿大夫檢

校太子賓客兼殿中侍御史上柱國杜文選

節度先鋒兵馬使充牢城都虞侯銀青光祿大夫檢校國子祭酒兼御史上柱國吳士倫

節度先鋒兵馬使充壕寨將銀青光祿大夫檢校太子賓客兼侍御史上柱國任公約

節度先鋒兵馬使充知市將銀青光祿大夫檢校太子賓客兼侍御史上柱國□□□ 袁貞懋

節度先鋒兵馬使州補軍事押衙充通判官楊義貞
崔孟餘

節度十將充擁陣將銀青光祿大夫檢校太子賓客兼侍御史上柱國馬三連 □公立

節度十將充都城局銀青光祿大夫檢校太子賓客兼

侍御史上柱國張□□□□李文禮 楊南

照 王才順 韋延 鮮道仙 韋太仙 羅公舉

盧 □□□□王士

司節度副使兼軍事押衙充左右兩廂都虞候牢城判

官蘇家□ 李卓□ 李德周

節度衙前虞候充兩廂都衙官杜審言 欽文勝

節度散兵馬使充右廂隊副將檢校太子賓客兼殿中

侍御史上柱國李□□ 蔣文和

節度散兵馬使充左廂衙隊副將檢校國子祭酒兼御

史左丞上柱國楊思慶 □□義 董□

節度散兵馬使 右親近副將檢校太子賓客兼殿中

侍御史上柱國韋君□

節度散兵馬使充左親近副將檢校太子賓客兼殿中

侍御史上柱國韋公□ 胡全

四廂散副將虞侯 陳忠武 陳敬釗 趙鑒 王文

縱 羅守雅 □ □ □ □ □ □ □ □ □ □ □

□ □ □ □ □ □ □ □ □ □ □ 羅貴方 李琛

趙全 曹居藝

軍曹司孔目院

節度散兵馬使充廳頭開拆書狀孔目官豐瑄

節度散兵馬使充書狀孔目官李延祚 杜回休

節度散兵馬使充廳頭開拆孔目官潘延嗣

節度散兵馬使兼軍事押衙專知迴易務郭宗

節度衙前總管充駙使官閫行溢 劉珪 文獻直

賈較

縣官

軍事判官將仕郎前守靜南令胡密

軍事判官攝錄事參軍儒林郎前守錄事參軍裴鎮

軍事衙推文林郎試太常寺協律郎前攝錄事參軍文廓

軍事前推文林郎試左武衛兵曹參軍趙處謙

按唐昌州刺史韋君靖建永昌寨紀功碑記靜南

令胡密撰正書左行凡一千五百餘字前記君靖

勲伐後記建寨建浮圖並胡密自述紀撰之由也

唐書中和二年涪州刺史韓秀昇亂峽中與屈行從斷峽路陳敬瑄遣兵討之為所敗敬瑄奏以高仁厚為行軍司馬將兵三千討之仁厚聞賊儲械子女皆在屯乃以銳兵瀕江伐木積水礙舟道負岸而陳使游軍逼賊夜以千卒持短刀彊弩薄營火而噪之秀昇帥州兵救火仁厚遣人驚沒鑿舟皆沉衆懼執秀昇以降與此碑記情事符合蓋君靖與仁厚犄角以破秀昇所謂依山置陣臨水布兵兩面夾攻齊心剪撲殆指此也渝牧田公者渝州刺史田洄也舊唐書稱洄平劇賊誠信廉能蓋嘗以君靖戰功奏聞得授普州刺史也川帥劾逆

將臣專征者楊師立叛高仁厚拒之君靖為之應
援以禦師立也唐書中和四年東川節度使楊師
立聞陳敬瑄以高仁厚代已怒移檄言敬瑄十罪
殺監軍田繪屯涪城遣兵攻綿州檄劍州刺史姚
卓文攻成都仁厚至德楊師立遣其將鄭君雄據
鹿頭關以拒仁厚列柵圍之後師立投池中君雄
斬其首以降為遂州刺史光啟二年仁厚據梓州
絕敬瑄君雄亦陷漢州敬瑄使步將逆戰君雄死
即所云失律廣漢也碑記鄭君雄下缺二字當是
君雄官名山行章見十國春秋前蜀本傳山行章
一名章陳敬瑄之亂行章拒高祖於新繁師敗復

為高祖破於廣都後降隸帳下有戰績乾寧四年授都押牙出鎮黎州即其人也故府太尉丞相顧公者顧彥暉也唐書乾寧二年昭宗在石門督顧彥暉王建赴行在建率兵二萬次綿州劾彥暉劫輜運回襲之彥暉不敢出但遣人塞建舟路建遂擊取巴閬蓬渠通果龍利八州李茂貞使子與元節度使繼密引軍救彥暉以窺東川蓋當時彥暉告急於君靖為之出師所云統領精銳併破二十七寨是也迨乾寧四年華洪率眾五萬攻彥暉彥暉手殺妻子自刎而君靖所統之渝普昌三州皆為華洪所取矣君靖官闕甚顯而名不見於正史

此碑足補新舊書之略也景福元年壬子建寨乾
團二年乙卯勒石相距四年龍崗山在大足縣西
北十里碑記以北山為龍崗山舊志則以西山為
龍崗山城牆二千餘間敵樓一百餘所今無遺迹
矣翠壁金仙即今之諸佛像是也所建浮圖即今
白塔是也碑記又云軍中節級將校等皆公同志
兄弟異姓骨肉列署名銜不墜勲業即碑下題名
之百六十餘人內韋氏二十二人故云兄弟也靜
南令胡密撰記名銜書前復署於縣官之列從官
次也是碑歐趙皆未著錄惟王象之蜀碑記昌州
榮昌縣唐韋君碑在北山乾團二年靜南令胡密

撰韋名君靖象之誤以為韋君名靖故云韋君碑

靜南作靖南亦與碑異大足縣志

乾隆十五年北知縣李德脩

山唐刺史韋靖於此置城脫去君字亦疑韋君名靖與象之同誤四川通志云乾符初韋君靖為榮昌令未知何據今通志以此碑入榮昌縣金石志中乃沿王象之輿地碑目之舊未嘗親歷碑下大為大足境內也嘉慶間武威張介侯進士澍署大足縣知縣訪得此碑長歌記其事二十五
夏遇耀適於西安以拓本見贈因與往復考證亟著錄之

肇慶府乾園鐘款

鐘式未詳款陰文正書凡五行已多剝蝕惟二行尚有可辨高廣字數不計在肇慶府譙樓上

維乾寧肆年大歲丁巳玖月乙丑朔拾

下不

奉口行尚書

六字

軍上柱國賜紫金魚袋

此行通志未載

通鑑是年九月癸酉朔此鐘款云乙丑朔差凡八日考唐書昭宗紀乾寧四年五月乙亥朔七月甲戌朔以法推之九月不得有乙丑朔疑當時廣州端州有盧琚譚宏玘之亂唐之正朔已不行矣

廣東通志金石略

佛遺教經殘字

殘石半方不及尺許二字至十字凡九行共五十九字正書藏江蘇蕪湖董氏

可畏 不辨是 壞其善心 得也當念無常 乃可安眠不出而 獸無相異也汝等比 其不能歡喜忍

受惡罵 過瞋恚白衣受欲非行道 以乞自活自見

如是若起

唐遺教經國初盛傳為王右軍書惟歐陽公識其非

是余家藏石刻二千卷獨此經最為舊物蓋先公為

進士時所蓄爾金石錄 又唐貞元八年八月沙門法昭行書無量壽經在遺教經陰

此石嘉慶中得於長安市上購而藏之南海吳布

政榮光見拓本愛其道逸定為歐趙所錄就余索

之時已為董生方立祐誠攜至京師余客闕中十

六年紙捐之外盛藏石碣方立同好臨別固求余

將南歸亦苦其繁重惟色裏兩隋碑及唐鄭温球

志石餘任及門攜取方立於遺教外又得薛綱王

守琦女端三志石就其兄子誥農部基誠於京師
不意其壽無石固也幸子誥善為藏庋其孤亦能
讀父書棖觸前塵以悲以慰

裴行純造像銘

碑存上半截縱橫一尺六寸隸書二十行每行存十
九字以銘詞四韻韻入字計之每行當三十八字在
陝西西安府

唐淨住寺釋迦文賢切像銘

并序

朝

下

蓋聞坤軸僊居爍熊光而西峙瀛環秘宇影翬扑下物
有變於阡危豈若地接王城門通鼎室黃山下寫韻
銀宮照日絢堯景而分燁理會真空規苻化下顯報爰
有河東裴行純胄啟膏脾烟連下棣華而搃思承顏靡

託罔極之戀逾深同氣無依下門遽虧隣社故知毀形

成滅未釋塵勞履孝歸誠下釋迦牟尼像一龕并賢劫

千佛即於淨住寺供養下工鑿玉琤珉俯藍田而洞彩

千光萬字照京坻而下足驚頭已對難施之室蕙樓菌

閣還開末利之居下空終令欲火含清惠川澄映頂禮

歸其影說種相下林遊廟冥而可期瞻羅衛而非遠有

道成灑師者下清象極鑿虛體包觀露紐栾門之落搆

激俗諦之下難名玉豪韜聖覽聲塵而可紀况周王神

矜尚勒下地之初故可史留垂文用寫四禪之妙其銘

曰

惟波僊宗詞標有相豈如正覺義歸無量惠炬開下似

香爐神超緊象妙極規模花開勝跡月寫真圖下照牖

八解疏池瞻顏頰德顯相標奇多寶非遠千下與覺樹

含芬禪河引泌義踰得一情期不二其四菩下重昏克明

方超苦岸永濟香城

其五

文林下

缺

按釋迦牟尼賢劫千佛象並河東裴行純造於淨
住寺供養僧道成灑師所奉碑缺下截造象歲月
與撰銘書碑之人皆無可考首行末存朝字末行
末存文林二字當是撰書人結銜殘字前題唐淨
住寺釋迦文賢劫像銘并序十三字畢氏關中金
石記以淨住為淨慈孫氏寰宇訪碑錄以文賢劫
為普賢劫皆誤淨住寺兩京新記長安志皆未載

不詳何地賢切千佛即水經注引釋氏西域記言
放弓仗塔國王有千子世所稱千佛是也

案余所得碑版有淨住寺千佛碑額題唐淨住
寺賢切功德碑九字下鐫佛象廿列每列廿五
區未詳所在疑即此碑之陰矢拓下五列也柱

住古字通

陸增祥志

千佛寺殘碑

在山西鳳臺縣解

後梁

清泉禪院鐘款

鐘式未詳款六行行十九字至二十四字
不等正書陰文在廣東廣州府元

弟子節度左押衙充府墻池內外副指搗使并都教練使銀青光祿大夫檢校尚書右僕射使持節端州諸軍事守端州刺史御史大夫上柱國利邵去天復二年十一月廿三日鑄造洪鐘壹口重壹仟斤於 清泉禪院供養永乞爵位高遷家眷團謐此時設齋慶讚託久未得題号今專差匠人周匡往鑄字開平五年六月三日重記

鐘在廣州元妙觀梁端州刺史利邵去所鑄漢紀有利幾邵去豈其後歟結銜府牆池即城池曾南豐集韓公井跋云楚故城今謂之故牆城改為牆者由梁太祖父烈祖名誠當時避之此云府牆池內外副指

摠使蓋司城隍之官是時梁進封劉隱為南海王依
舊清海軍節度使清海軍為大府端州實隸之故郃
去以州刺史而充是官吏稱開平五年五月改元乾
化鐘鐻字在六月猶稱開平詔書未至端州耳

金石

按朱梁避誠嫌名改城為牆考詳萃編開平二年
鎮東軍牆隍廟記通志以利郃去為姓名子疑利
姓郃名去字屬下始即去歲之義猶言往者襄者
耳姑記之以俟考託即訖字

檢校太子賓客王彥回墓誌

石高一尺五寸廣一尺七寸二十四行前題二十六
字為一行餘行十九字至二十四字不等正書在

江鄭

梁故明州軍事押衙充勾管官銀青光祿大夫檢校太子賓客兼殿中侍御史王府君墓誌銘

羅浮山布衣蔣鑒函撰

府君諱彥回字仲顏其先瑯琊人也 曾祖諱論 祖諱伯儀 父諱權皆任性傲世怡怡於雲水間能稟天爵不拘浮華之態鄉黨之美著于家諫

府君少則有明慧之稱長則有幹濟之術爰自歷職郡署屢繁任剝靡不洞達其理佐佑之績甚顯矣一旦俄遽沉痾奄歸厚夜噫乎生為強有歿兮卒無維口口以如斯測常情則不尔私室且口公權仍重尔豈以得心

緬惟窳窳又焉無眷戀

府君以軋化四年十二月廿二日即世享年五十有五以軋化五年閏二月二十九日歸葬於鄆縣靈巖鄉金泉里禮也

府君娶東海徐氏乃句章之華族和鳴之道柔順愛敬為親感之所規仰育男五人長子充軍事驅使官兼衙前十將廷規琳瑯其器孝行胤嗣之善尤可嘉矣娶淑海吳氏第二子充衙前虞候廷軌娶廬江何氏第三子廷暉第四子廷裕第五子廷璋育女二人長女一適胡氏一適楊氏孫二人翁兒婆子女孫錢婆嗚呼榮落之期開彼定公平生之事瞬息而已松楸植如此蔽于佳

城永安陵谷之變幽冥之幸也銘曰

名利之覺

熱能灰心

一此一彼

以古以今

奈何不可移者猶短

不可戀者光陰

悲乎人事

倏然昇沉

蕭々圜墉

猿鳥號吟

誌中族作旋戚作感世字凡兩見皆缺筆作世譜牒
之牒通作謀又避世作諫此時距唐亾已九年矣舊
令猶遵足見人心尚有思唐者古誌
石華

按王彥回墓志銘彥回明州人歷職郡署卒葬明
之鄞縣後梁時明州為吳越之地錢氏臣梁雖私
有天寶之號而國人皆從梁紀年軋化本梁太祖

朱温年號子友貞以二年即位仍稱乾化三年至五年十一月改元貞明其年閏二月尚未改元故稱乾化五年也鄞漢縣屬會稽郡魏晉六朝因之隋省入句章唐武德四年析句章置鄞州八年州廢置鄞縣隸越州開元二十六年於縣置明州梁開平二年更名鄞縣為鄞縣此當乾化之末改名鄞縣已及八年彥回年五十有五則生於唐懿宗咸通二年辛巳也任性傲世傲誤作倣諫即牒旋即族撤即關關即關澉海未詳十國春秋望海縣吳越武肅王奏置後改定海吳越備史又作靜海縣豈靜海復為澉海澉澉形似而訛耶石藏鄞縣

王師竹博士日升家黃支山孝廉桐孫拓贈

父諱權黃氏吳氏皆作瓘倣世黃作傲世殆以
又義改也歷職黃作庶職仍重黃作留重得忌
黃缺忌字五十有五黃脫有字十將黃吳均作
一將非傲海黃作渤海當不訛惟不宜改碑字
耳榮落黃作樂熟能黃作孰號吟黃作號鳴陸增

志祥

修南溪池亭及九龍廟碑并陰

貞明三年三月在大荔

後唐

少林寺行釣塔銘

後唐

三五

幾本高廣行數不計
正書在河南登封縣

唐嵩山少林寺故寺主法華鈞大德塔銘

并序

京左街敬愛寺講維摩經沙門賜紫虛受撰

夫真如不變假澄湛以彰名俗諦有遷因去來而立号
考真俗而雖異訓性相而何殊是知生滅之途古今恒
式若夫性本神咨道維天與者即嵩山少林寺故鈞大
德之謂也大德法諱行鈞俗姓闔氏鄭州陽武人也始
自髫鬢便鄙諠譁年十有四拍俗慕法依止嵩山會善
寺西塔院法華禪師為和尚執持瓶罽日暮焚修誦法
華經勵堅固志三度寒暑一部終畢其師深器之遂與
落髮迨至年滿受具於本寺瑠璃壇自後遵講肆習毗

尼履易炎涼矣然志在諷誦蓮經六千部遂卜居石城
山檀越信士欽承道德崇重行藏於廣明庚子歲請住
少林士乃曰末法住持無先象設由是召募有緣菩薩
大殿首尾三載締構悉成而遇釋門澄汰遂從毀廢後
值□開佛法重勵身心復立殿堂兼塑佛事矧以一自
住寺因輟諷經供養眾僧星霜四紀興慈拯物臨壇度
人或德馨香道風遐躋士庶寫葵藿之敬僧尼傾歸仰
之心能事既周化緣又畢於同光三年七月廿日示滅
春秋七十八僧臘五十九本僧門人等依西國法荼毗
之薪盡火滅收其灰骨起塔於寺之東北隅禮也落髮
弟子宏省不遠百里命余叙其懿行辭避不已乃作銘

云 真如不變兮世諦推遷迷滯流轉兮達悟幽元釋
宗碩德兮幼慕金仙住持嵩嶽兮載誕圃田兩脩佛殿
兮不移乎他長諷蓮經兮如一其志供僧臨壇兮聲譽
遠被化終示滅兮今昔同致崇寶塔兮寺之隅播芳塵
兮期岡陞

落髮弟子伯數人等

寺主宏泰 勾當脩塔宏省 典座宏緒 宏幽

宏起 宏昉 宏臯 宏超 宏遇 宏惠 宏悟

宏深 奉明 宏萼 宏宣 宏釗 宏遷 宏

讓 宏志 宏雅 宏鑒 宏受 法孫欽綠書已

上同建塔

同光四年歲次丙戌三月壬辰朔十六日壬申建
博士侯建鏐字造塔博士郝温

壬辰朔則十六日值丁未是月亦不得有壬申

誤甚

陸增祥志

潁州開元寺鐘銘

鐘高六尺圍丈二尺八十一行行八字至十二字不
等上截題勒大唐潁州開元寺鑄鐘一口重伍斤斤

十六字並正
書在壽州

大唐潁州開元寺新鐘并序銘

竭忠建策興復功臣金紫光祿大夫檢校太保使持
節潁州諸軍事守潁州刺史充本州團練使兼御史
大夫上柱國清河縣開國男食邑三百戶張廷蘊

鄉貢進士李璨撰

夫鍾為聚器金曰從革懸于樂府可以諧八音施之樗
門可以福群動几立龍象例發鯨撞汝陰郡開元寺昔
以兵革肆凌

本朝中否梵宇器具恒有闕焉未經切火之次早曠應
霜之韻忽有頭陀可詢爨蓬以至振錫而來言曰具願
鑄鍾必斯境也

遂次弟行乞于里巷 郡守 上言降

勅俞允迨於暮載勿庸舟功是僧衆未孚其器軌弗具
郡主太保清河公稟維嵩氣槩授穀城兵書劔彩雄
稜夜射星辰之色陂澄大量秋吞渤澥之波以德禦奸

以刑靜宄民如子養道若砥平莅政之餘益敬方外欲
盛饒

佛廟壯觀軍城仍利終崇決在鼓鑄因自為化首乃募
得居士丁仲欽者金分義路玉瑩情田出愛浪于坦途
指迷津於覺道能令曲俗皆務聖曰遂督其謀特揆其
事設法誘勸閭群黎元賦入有差踰時畢集愚者怯於
謨始賢者勇于樂成聚銅僅百七十鈞主過千萬數
眾遠屆唯水名諸倕工有匠人羅彥瓌博研其精先利
其器歲在無貳律中黃鍾撰盈□之辰揮鑪冶之□土
民雲萃□ 梵沸騰良金合土以告切洪鑪垂簾而待
扣不窳不厭載鏗載鏘海魚奮形蟠蛟震吼昔夏王為

山林不若率九牧以成鼎今 頴侯樹因果有利賦一
境以建鍾鼓聞于外則而民知啓禁福覃於遠則其罪
停苦酸所費乎

皇極之道克隆生聚之安大賴偉哉懿軌無得而銘

立功立事 惟英惟賢 華鍾既闕 澆器匪全

為我蒸民 寔彼良牧 委募哲人 克崇景福

名乎冕氏 格乎佛宮 天地為鍾 万物為銅

鯨鯢歎浪 □□□聲 樓臺辟窳 金奏哨吟

昏明有序 塗炭停酸 鏗鏘獲利 銘鏤永觀

長興三祀歲次壬辰十一月己卯朔十日戊子鑄

教化頭陀僧可詢

計度都維那丁仲欽

維那吳景

鑄鍾都料羅彥瓌

習維摩經僧元瑒書

鑄字人史知溫李返韜

筠清館載有此碑怯於謨始謨作謀鑪冶之□
□作鞞良金合土土作采華鍾既闕華作業銘

鏤永觀觀作鑄非

陸增祥志

父母恩重經碑

刻正碑及兩側正書在山東園陽縣

父母恩重經

文不錄

大漢國兗州翼_國縣萬歲鄉剛城村孤子孟知進□□
願□□三代先亡及父母造石碑及妻李氏同意發願
今得□□此行在經目之下

乾祐三年建立

此行在碑首之右

孤子孟進□疏記

此行在碑首之左

錢辛楣少詹云唐人好刻尊勝經名山古刹所在多
有不若此經足動人慈孝之心也

山左金石志

後周

大雲寺修壁龕記

高一尺七寸廣二尺二寸二十七行行二十一
字至二十五字不等行書在山東益都縣

雲門山大雲寺重粧修壁龕功德記

誦經沙門貞峻述并書

伏自玉毫掩相求瞻覩以無由金像遺蹤藉修崇之可
託且我佛住世莫久像教是依了遠者位證三乘漸次
者道隆五福伏以雲門山大雲寺者未可知其始建之
時也因覽古碑云開皇年中曾有修建但以寺居峻嶺
地枕長郊觀聖像之凌夷見精藍之荒廢近則雖興新
構必知未稱舊基唯有壁龕亦多石像依佈相與隱映
儀形風雨交侵頗損彫鏤之質歲華綿邈全無彩繪之
蹤蓋事有廢興理開舒慘豈期今日獲過信心 情門
弟子彭仁福本貫浙江寓居海岱因安賜履未返三吳
唯以風懷善因早散至信知修崇之可託明幻惑之不

堅是以廣造良因於諸蘭若此則因參遠寺獲覘古容
遂乃慎選良工精求彩筆果得入神之妙再瞻如在之
儀重新兩龕□□嚴飾雖遙柰□何異□峯一郡蒸黎
盡起欲降之想四乘士庶願生共敬之心諒此殊因必
獲多福更有同會良友亦是鄉知各欲齊心助成勝事
仍雕翠闕以紀芳猷庶使萬古千秋不泯增修之狀陵
遷谷變常開化導之門如貞峻者跡忝緇衣弊虧黃絹
常復斯言之戒敢述刊石之文蓋猥付非才而堅令叙
錄既難退讓可免請尤謹題

時大周廣順三年歲次癸丑十月戊申朔十八日

乙丑記

功德主吳越國前攝金吾衛引駕長史彭仁福

女弟子駱氏 長女大師姑 少女小師姑

同會弟子吳越國近恩院隊將銀青光祿大夫檢校國子祭酒兼御史大夫上柱國湯仁厚

吳越國大程院隊將銀青光祿大夫檢校國子祭酒兼御史大夫上柱國李□□

吳越國入五臺山送供吳會 布衣習基張 崇

之

按雲門山在青州府益都縣南宋趙居貞詩晚登雲門山直上一千尺記所云寺居峻嶺也訪碑錄載雲門山造像十四種開皇間刻記引古碑亦云

開皇中修建蓋即壁龕石像是也彭仁福本貫浙江移家海岱同會湯仁厚等皆其鄉知故皆書吳越國周太祖廣順三年癸丑時吳越為錢忠懿王因倣近恩院隊將大程院隊將其吳越職官歟大師姑小師姑及布衣習碁之稱他碑所未見者

勅留啟母廟記

碑高四尺五寸廣三尺二十六行行五十字至五十三字不等額題啟母少姨中天大王行宮之廟十二字三行並正書

在河南偃師縣

緱氏縣唐興鄉皇甫村勅留啟母少姨廟記

鄉貢進士許中孚撰

沙門比丘僧惠林書

宗周嗣位之二葉也

命授神宗

德符昊穹寢彼武功復乎墮風

皇教於是遐通車書以之混同異域咸賓蓬邱格白瓊
之贊嘉祥自地阿閣巢丹穴之禽曷覆燕之

洪均致蒸黎之雍穆古由今也不其偉歟時有

縣尹外郎彭城劉公名煥字廣澤 故丞相謙國公

之元子也鼎隴名家 公台令族竒姿碩德為時所稱

莫不弘其學以閎之高其才以文之崇其禮以飾之敦

其信以成之卧錦為

郎立事於

文昌宮裏握蘭就列馳芳於

建禮門中泊以清白不容權政所忌賈誼賢而見謫屈
平忠而自遷諒州縣之徒勞寔銅墨之非貴有以見拘
騷錄之足淹

社稷之才也先蒞伊陽次 宰斯邑未嘗不膺力任以
資賦庾敷德惠以董逋逃除暴悞以恤惻黎亦好惡以
平獄訟下車而民受其賜蒞事而吏伏其明三年之政
化大行百里之煩苛盡去屬

我皇帝翼翼萬機孜孜庶政為下民之草弊慮昏庸之
作災用止訛風乃頒 明詔日當聰明正直以福及

人者則可以靡息宗禋或妖回魍魎以禍苟人者則可

以持加剪伐式絕淫祀永作恒規粵是長皇甫村有古祠者即

啓母少姨之神也夫勝事芳猷神通靈應脩於嵩少二室本廟碑表載之也斯不復書又有

齊瀆神宇一昕祔之焉誠彩仗之行宮復雷駕之別館樂櫃穹崇而特起丹牖照灼以相鮮杳邈虹梁聳若龍驤之狀徘徊雉堞高侔矢立之形風來而蕙帳香生雨霽而晴軒翠滿巋然妙績迥跨神臯輪焉奐焉不可得而論也願貌嚴肅明靈暗通望之者敬由是興祈之者福由是集穠梁黍稷春秋而遂布時羞絲竹陶甗庭砌而遽陳商角是得歲時序風雨順生植暢田疇開人獲

困阜之豐里有謳謠之韻以作景福以助
神之應又如此於是下以利之事達
於上上以留之義

令於下斑基且廊魯壞弗加葺靈光之獨存同甘泉之
但闕獲永薦奠得壯祠宮潔以祈恩馳特牲而可進固
夫層揖任達景以頻移邑人牛敬贊葺欲亦後生宜刊
貞石乃為見託俾述斯文中孚學不逮於古人詞莫窮
於前事徒抽馬卿之思強濡王祭之膏豈敢繁言庶存
實錄

時顯德伍年歲在戊午柒月拾貳日記

鐫字都料林贊

按後周紀世宗顯德二年廢諸寺無勅額者三萬

餘區此廟不在所廢故題勅留記稱慮昏厲作災
用止訛風乃頒明詔聰明正直以福及人者靡息
宗裡是也唐楊炯少室山少姨廟碑云少姨廟者
漢書地理志嵩高少室之廟其神為婦人像故老
相傳啓母塗山之妹即記所云勝事芳猷神通靈
應備於嵩少二室本廟碑表嵩少二室為少姨本
廟故以皇甫村祠為行宮別館而額題中天大王
豈當時勅額如此抑從世俗稱所未詳矣太平寰
宇記緱氏縣啟母少姨廟在縣東門外偃師縣啟
母少姨行廟在縣西南二十五里後周高祖以廣
順三年得風疾明年改元顯德世宗判內外兵馬

旋即位故云嗣位二葉命授神宗

栖巖寺修舍利殿記

碑高五尺一寸廣二尺九寸有奇二十一行行三十六字行書在陝西蒲州

栖巖寺新修舍利塔殿經藏記

節度掌書記將仕郎試大理司直李瑩撰 張謩書

蒲城東南十五里掘中徐山登山復五里屆栖巖寺

隋武元皇帝藏舍利之塔廟也迺來因時因事或廢或興具諸僧史此不復載

我國家以聖繼聖武功成文德修恒思馭天下蒼生於富壽間其術在於擇長吏而已丙辰秋八月詔 今府主大尉移北庭節度鎮於蒲蓋北庭之能政聞于天而

蒲之疲民渴于理也一之歲省案牘有節目不利於政者咸去之二之歲訪井邑有風俗無益於民者盡革之三之歲千里之地遠者近者公者私者熙熙開闢各遂其所屢欲揭碑表於九達之衢以揚府主之化理

府主極詞以止之然方有暇於宴遊出處用示其成政也已未春登中條憩栖巖山水形勝盡於歷覽顧謂寮佐曰今之化人能令終夕之間佩服道德者甚為難事佛之垂教使死量劫出生死海登菩提岸較其功德實懸天地而或縱其湮沒其如何哉嗟乎佛之像兒去世逾遠其所遺者有舍利在今塔廟圯毀訖為平地我將表飭之佛之言行著于經文今依山架龕嵐氣腐濶匪

胡伊夕磨滅無時我將嚴護之於是搜材索匠揆日俟
工始則構高楹闢大宇乃壯乃麗軒如翼如所以覆舍
利也中則斲榱桷布竈室乃金乃碧輪焉奐焉所以藏
經文也觀其宏敞之狀固密之功雖歷永劫無寤崩之
憂次使衆生有歸敬之地論者曰佛之大教囑于正人
事立則民敬民敬則福生福生則清淨之緣結矣今
府主以是福力興斯善緣復聞以少香少花一句一偈
者猶獲福无量而此覆舍利藏經文之功諒百千劫中
永為供養豈不以是法力助府主之福歷百千劫亦
復如是者哉瑩幸預賓階實聞時議况承嚴命因敢
直書時大周顯德六年歲次己未九月癸卯朔九日辛

亥誓首謹記

輸忠保節功臣河中護國軍節度管內觀察處置等使光祿大夫檢校太尉行河中尹兼御史大夫上柱國清河郡開國伯食邑一千戶張鐸建

按此即首山之栖巖道場也史五帝紀舜耕歷山注蒲州河東縣雷首山一名中條山亦名歷山此山西起雷首山東至吳坂凡十一名隨州縣分之吳

尋陽長公主墓誌

石高二尺二寸廣二尺四寸三十七行行四十字至四十九字不等正書在揚州江都縣

有吳太僕卿檢校尚書左僕射舒州刺史彭城劉公

夫人故尋陽長公主墓誌銘

并序

將仕郎前福州閩縣丞危德興撰

夫甘露降醴泉生則知顯國祚識明朝使四方服

我聖君度其時甘醴應瑞叶祥乃長公主焉公主

則匪農楊氏大吳太祖之令女國家閨室之長也

太祖以劔斷楚咷手揮秦版建吳龍之宮闈復隋氏

之山河功蓋鴻溝變家為國編史載籍其可盡乎

是知玉樹盤根聳金枝而繁茂銀河通漢瀉天派以靈

長將存碩大之詩必誕肅雍之德太后王氏坤儀毓

秀麟趾彰才既諧與慶之祥乃產英奇之女即尋陽

長公主也公主蓬丘降麗桂影融華稚齒而聰惠出

倫笄年而才名穎眾既明且哲早聞柳絮之詩以孝兼
慈夙著樹花之頌國家詳觀令併用偶賢良敦求
閎閱之門須慕裴王之族我彭城大卿代承勲業世
茂英雄先君首匡社稷於吳朝尋擁摩幢於江夏
繇是玉恭鶴警迥出品流衛玠神仙果符僉議蓋標奇
於秤象遂應地於牽牛潛膺坦腹之姿妙契東床之選
我公玉輜輶降于天漢鸞鳳集於閨門在內也則班
誠曹箴克修女範配室也則如賓舉按囚息婦儀奉蘋
藻以恭勤佩萑蘭而冰馥常遜言而撫育每恪謹以事
親寬恕則僕隸不鞭娣姒則仁明是敬星霜締接慈愛
無渝助君子之宜家實諸侯之令室皆公主之賢

達也而况敦睦氏族泛愛宗親不以宮闈之貴驕人不以奢華之容傲物既而榮光内外道合鸞鳳感吉夢於熊羆肇芳華於桃李育男六育女六長子曰匡祚受鎮南軍節度討擊使撫州軍事押衙銀青光祿大卿檢校国子祭酒兼侍御史上柱國貌方冠玉才蘊鏗金雅承慶於鯉庭叶好逑於虎帳乃姆于撫州都指揮使司空太原王公之愛女也王氏以綵閣襲美蘭闥傳馨克奉孝慈肅恭禮敬次曰匡業試祕書省拔書郎光融氣秀瑜潤德清纔親秘閣之風益顯 侯門之美聘 雄武統軍潁川侍中之愛女即陳氏焉雖通四德之規未展二儀之禮次曰匡遠匡禹匡舜嚴老並幼而踐巖志定

堅剛蘭牙即俟於國香驥子佇追於駿足長女年當有
字容謂無雙娉婷融蕙槿之英婉變叶絲蘿之詠適
柯氏柯氏受右軍討擊使詩書立性禮樂縈身鄧艾盡
營必羽遠大劉琨夜舞芝建殊功次女納鍾氏禮鍾氏
器重珪璋材親廊廟入仕纔遂於宦路登龍必履於朝
庭任洪州南昌縣主簿喜氣雖通於銀漢雲車未會於
鵲橋次女四並天資柔惠神授冲和瑞介瑤蓂之華慶
稟瓊枝之秀苟非 公主義方垂訓秉範整儀峻清問
於 聖朝著聲光於 玉闕則以順義六年中春 太
僕卿自洪井副車秩滿 皇恩降命除郡臨川隼旟方
耀於章江熊軾俄臨於汝水入境已聞於靜理下車頓

肅於山川四郊而襁負還鄉万井而飛蝗出境豈止懸
魚者詠佩續推名可以與杜邵齊肩共翼黃並轡公
主同駟繡轂內助政經佐褰帷露冕之功賢察俗撫
巨之化或發言善諫則蕙馥蘭芳或靜憲澄機則珠圓
月皎俾連營將士皆欽如母之瑤比屋黎民咸戴二天
之惠豈料霜凋瓊樹月墜幽泉祥雲易散於長空彩鳳
難留於碧落嗚呼鬢髮方盛華顏未央俄夢棘於庄生
忽貽灾於彭矯爰後寢疾遽致高盲腴理難明歎歸冥
寞何期天道曾不愆遺以順義七年七月廿六日薨于
臨川郡城公署享年三十八歲箕箒二十二春悲乎自
有古今不無生死奈其修短禍福難裁何神理之微茫

曷榮枯之倏忽 我太僕卿以驚不隻影劍躍孤鳴痛
哽襟靈韻悲琴瑟自是 政行千里聲徹九重別擁

旌旄去迎

綸紵奉

親王之傳印

寵亞前朝

承

聖上之優恩榮越太古

公主摧叢福地傍

揖魏壇而

大卿亟赴名邦

正臨瀛嶽諸子以情鍾

陟屺恨切茹荼哀踰而泣血崩心踊癖而柴身骨立吁

嗟遐迤駭嘆人倫里巷為之輟春士民為之罷社則以

軋貞三年二月二日符護 靈柩以其年三月廿四日

窆于

都城江都縣興聖鄉東袁墅村建義里庄西北

源式建封樹禮也舉

朝祭奠傾郭塗蒞送終之禮越

常厚葬之儀罕及所謂乎

我彭城公代著八元家傳

五鼎榮駢貔虎坐擁囊韉據康樂之城池播廉公之禱
袴則何以名光傅粉譽振傅香偶良匹於龍宮見起家
於鵲印不有謫戚曷光令猷所謂類以相從合為具美
者也德興識學荒蕪躬承 厚命直旌 厥德焉敢讓
陳乃為銘口

赫赫太祖

聖圖符祥

厥生令女

貴異殊常

二儀合運

四德賢良

金枝玉葉

蕙秀蘭芳

降于侯門

彭城劉君

棄瑤圃玉

遏巫山雲

宜家慶國

襲美垂薰

尋陽公主

中外咸聞

鸞鳳雙儀

透愴不飛

人間永別

冥路旋歸

陰雲颭颭

夜雨霏霏

泉扃一閉

無復闐闐

誌為楊行密之女適劉氏者而作行密子溥僭位封
為尋陽公主其卒以溥順義七年乃唐明宗天成二
年丁亥歲葬以溥乾貞三年乃天成四年己丑歲也
誌一僭王之姊乃鋪張至此諛墓之濫以是為極鄧
艾盡營畫當作畫如母之瑤瑤當作謠遽致高盲當
作膏盲皆筆誤也民字作巳避唐諱

古誌
石華

楊氏之夫誌不載其名字籍貫以五代史楊行密傳
攷之當為江西劉信之子信為行密之將行密子隆
演僭號武義時拜信為征南大將軍碑標題及誌首
兩夫字皆缺末筆避行密父怵嫌名也容齋三筆載
鄂州興唐寺鍾欵曰金紫光祿大掾校尚書左僕射

兼御史大陳知新銀青光祿大檢校尚書右僕射兼
御史大楊琮大字下皆去夫字時為唐天祐二年行
密破杜洪於鄂故將佐為諱其父名又鄱陽淨州寺
有吳武義二年鍾安國寺有順義三年鍾題銜皆曰
光祿大卿檢校太保兼御史大卿判史呂師造改大
夫為大卿亦避行密父諱也

銜清館金石記

按吳太僕卿檢校尚書左僕射舒州刺史彭城劉
公夫人尋陽長公主楊氏吳太祖之女母為太后
王氏下嫁彭城劉公育男女皆六長子匡祚次匡
業皆已仕次匡遠匡禹匡舜嚴老公主以義順七
年七月薨於臨川郡城公署年三十八箕箒二十

二春乾貞三年三月寔於江都縣歐陽五代史記
吳世家楊行密唐中和三年拜廬州刺史天復二
年封吳王天祐二年卒謚武忠子渥立五年徐溫
殺渥渥弟隆演即吳王位如天子之制改天祐十
六年為武義元年追尊行密孝武王廟號太祖隆
演僭號二年卒弟溥立明年改元順義七年即皇
帝位改元乾貞追尊行密武皇帝誌所稱大吳太
祖是也誌云建吳龍之宮闕復隋氏之山河行密
以吳王節度淮南都揚州自以與隋同姓託承隋
後耳行密夫人朱氏為行密所出唐封朱氏燕國
夫人見文苑英
華出嫁蘇州刺史
石瞻見九國志

王氏行密以女妻李神福子承鼎見九國志以女

妻錢鏐子元瓊見五代史補而尋陽彭城及匡祚

兄弟無攷皆可據誌以補史家未備楊氏諸臣見於世家者有

劉威劉存劉信天祐二年存攻鄂州斬社洪以功授鄂岳都團練使故史稱鄂州劉存誌序劉之

君首匡社稷於吳朝尋擁麾幢於江夏則彭城大卿者或即劉存之子其名不傳未可強定叙

及子婦女壻之家乘為後來諛墓之濫觴殊無足

取吳王溥順義七年十一月稱帝改元乾貞當後

唐明宗天成二年丁亥是年公主年三十八則生

於唐昭宗大順元年庚戌時行密為寧國節度使

誌云箕箒二十二春則公主歸劉時年十八為唐

昭宣帝天祐四年丁卯梁太祖代唐改元開平行

密已卒子渥嗣立之二年也誌中民作巳仍唐諱夫作夫諱行密父嫌名齊東野語行密父名怵與夫同音改文散大夫為大卿御史大夫為御史大卿容齋三筆鄂州興唐寺鐘題唐天祐二年鑄勒官階姓名者二人一曰金紫光祿大檢校尚書左僕射兼御史大陳知新一曰銀青光祿大檢校尚書右僕射御史大楊琮大字下皆當有夫字而悉削去觀者莫曉劉道源十國紀年載楊行密之父名怵與夫同音行密據淮南方破杜洪于鄂而有其地將佐為諱之故此誌夫字皆缺筆而以銀青光祿大夫為大卿也室作室闕作闕換作換娉聘

作娉聘簿作簿隻作隻成作咸靈作靈懿作詒巫
作至皆別體按誤按鬢誤鬢幢誤幢膏育誤高盲

南漢

黃蓮山鐘款

鐘式未詳款前四行行二十五字至三十字不等末
行奉勅以下十三字字體欹斜非一時所刻並正書
陰文在廣東韶州府文昌廟

粵維大寶二年太歲己未七月甲辰十九日壬戌樂昌
黃蓮山寶林禪院住持長老明徽大師賜紫沙門義初
名衆綠鑄造銅鍾壹口重肆伯斤勸首弟子給事郎守
內侍省內府局令都監樂昌防遏諸都并監樂昌縣事
賜紫金魚袋鄭敬贊以七月廿八日設齋慶讚永充供

養奉勅鶴題黃蓮山銅鍾壹口官力

十三字從阮志錄入

開宴石山記

按本正書字徑寸高廣行字不計在廣西鬱林州博白縣頓穀堡宴石山

新開宴石山記

□□容州管內都製置鹽鐵發運等務並白州永
資院點檢義勝等都承務郎賜紫金魚袋劉崇遠

蓋聞住非聲而去非色無滅無生視不見而聽不聞有
物有像故三空俄顯 一德爰彰善念必通勤行可

學明明宗旨歷歷程途實有路以地躋詎無門而可入
自是心源不透智筏未征達彼岸以何由奏 玄關而

莫迨崇遠自親

禁掖原忝

渥恩凡睹

靈蹤

悉虔俗志冀精勤於一善上報荅於

九重宴石山

者在白州博白縣之西鄉與馬門灘伏波公之祠隣近
圖經云昔有神人稱陳越王今有古宮基址見在廣州
合浦縣界王曾宴於此山故以為名焉其山也西枕清
波南連翠嶂曉則輕雲簇白晝則遠樹攢青石罅泉噴
點、而斜飛皓雪澗邊花秀叢、而密綴紅霞左綉右
迴前驅後鶴蔬足果足松寒竹寒昔曾有人臨水鑿石
作佛像約高五丈餘未窮其年代者矣口有壬向石
室一所唐咸通中高相座講統十道兵師禦八蠻疆境
經行之際於此室塑造佛像今尚存焉崇遠因監製運
遂切經營乃命良工闢為精舍一山迴轟兩室相隣繇

是以黑金鑄釋迦瑞像設于東室又鑄釋迦牟尼佛一座兼別鑄五百阿羅漢十八羅漢設于西室其次有石引廊齋堂僧房等在干室外請僧師肇道志惟敏惟忠住持焚修尋則飛章 聞奏 皇澤爰頒賜額號

於鷲峰今為覺果之禪院所謂覺乃大覺之路果乃勝果之門覺與果齊果因覺集 皇明無外 天

鑿洞臨致口石嵐永為勝地又別有東峯石山一座中有東西南北四室巖巽若畫礪礪如鑄直疑乎造化剜開又恐是神仙斲出多景多致唯煙唯霞亦以黑金鑄玉皇 道君 老君 天地水三官並塑左 右 真人玉童玉文左右龍虎君 中 大法師設於室內

卓尔威儀森然侍衛請道士廖德崇劉守清盧守和等
別建道院住持焚修以和十五年丁巳歲八月二十
三日起建迄于大寶元年戊午歲十二月二十七日畢
功建置道場設齋慶讚訖莫不青蓮金柱如切

利以初來錦舌蒼肝似藥珠而乍降繇是命乎緇

侶招彼羽人金鑪曉炷以飭醞銀炬宵然而炫燿用全

因果上贊休明咸來四海之朝宗盡類衆星

之拱極功既畢矣願且周焉可以齊嵩華之堅可以

竝江河之永靈基勝跡萬古千秋時大漢大寶

二年太歲己未九月癸卯朔二十四日丙寅記

晨輝殿使知白州軍州事都管勾容州管內都製置

鹽鐵發運等務朝請郎檢校尚書工部員外郎柱國
賜緋魚袋樊匡嗣榮秉郡符同崇 勝祉

左靜波指搆使南面 缺 都部領將金紫光祿大夫左

領口將軍檢校刑部尚書兼御史大夫上柱國蔡彥

宏

寧遠軍節度衙前兵馬使充製置務表狀孔目官口

昭書 製置務客司軍將李道員鏐

按南漢劉崇遠開宴石山記記稱白州博白縣之
西鄉與馬門灘伏波祠隣近有壬向石室唐咸通
時佛像崇遠闢為精舍兩室相隣別有東峰石山
四室僧房道院咸切經營其精舍賜額覺果禪院

而蔡條鐵圍山叢談云遊博白之宴石山普光禪
得偽漢時寺記則知偽漢之覺果即宋之普光蔡
引記中蔬足果足松寒竹寒誤竹為水未審諦也
周世宗顯德四年丁巳為南漢劉晟乾和十五年
明年晟卒子鋹立改元大寶唐白州南昌郡博白
縣屬嶺南道隋為南昌縣屬合浦郡武德四年改
名為州治又置大都縣屬廉州貞觀六年更屬白
州十二年省入博白蓋與廉州合浦為近五代屬
南漢宋屬廣南西道南渡後州廢縣屬鬱林州今
為鬱林州博白縣

致口石嵐石上一字全唐文作去筠清館作致

此名嵐殆誤

陸增祥志

吳越

錢武肅王開慈雲嶺記

高二尺八寸廣三尺六寸篆書八行行六字第七行七字在杭州西湖慈雲嶺石壁

梁單闕之歲興建龍山至涓灘之季開慈雲嶺便建西關城宇臺殿水閣今勒貞珉用紀季月甲申歲六月十五日吳越國王記

按梁單闕之歲乃梁末帝貞明五年己卯涓灘之年即甲申歲後唐莊宗同光二年吳越武肅王寶大元年今臨安海會寺經幢書寶大元年歲次甲申可證者詳寶正三年投龍簡文便建西關城宇

臺殿水閣兩浙金石志釋便作使誤

投告太湖龍簡文

簡白金重一鎰高八寸廣五寸二分上雲下水屬以龍文中鑄正書十行每行二十字至二十二字不等順治元年出於太湖包山下今佚此從湘潭周子堅詒樸藏本錄入

大道弟子天下都元帥尚父守中書令吳越國王

錢鏐年七十七歲二月十六日生自統制山河主臨

吳越民安俗阜道泰時康市物和平遐爾清冥仰自

蒼昊降祐大道垂恩今則特詣洞府名山遍投龍簡恭

陳醮謝上荅

至恩伏願合具告祈兼乞鏐壬申行年四時履歷壽齡遐遠眼光明家國興隆子孫繁盛志祈至祝允協

投誠謹詣太湖水府金龍驛傳於吳越國蘓州府吳縣洞庭鄉東臯里太湖水府告文

寶正三年歲在戊子三月丁未朔二十六日壬申投

按錢武肅王投龍簡凡一百七十九字順治元年

出於包山之麓蓋即吳縣洞庭鄉東臯里當時所

云水府文稱洞府名山遍投龍簡出於太湖者乃

其一耳簡經鎔燬已及百年拓本流傳甚少近復

以摹刻亂之是木湘潭周子堅語核所藏國初

原搨子堅為戶部侍郎石芳師季子雅好金石子

嘗為之跋尾世稱投龍之刻始見於金石錄唐天

寶中北海太守趙居貞雲門山投龍詩序言天寶

元默歲下元日居貞投龍環壁於此山天寶元年
壬午十一載壬辰皆為元默而顏魯公撫州麻姑
山仙壇記元宗天寶五載投龍於瀑布石池中唐
岱嶽觀碑自顯慶六年至貞元十四年六帝一后
勅使章醮投龍二十餘度其分遣道士往五岳四
瀆投龍大作功德武后時尤盛又西湖龍井有
赤烏銀牌咸通臨安志載漢元封三年創宮壇於
大滌洞前為投龍祈福之所則投龍祈福仿於漢
武而吳主踵行之自唐以來遂為道家故事簡稱
大道弟子大道垂恩者岱岳觀碑道士郭行真馬
元貞等投龍薦璧並稱行道碑側題名有書大道

弟子鄭仙芝者崇奉道教故有是稱武肅天柱觀
記所云遵行大道大道真科亦即此義攷晉書王
疑之傳世事張氏五斗米道孫恩之亂疑之禱於
靖室謂有大道鬼兵相助大道之號固屬不經然
其來久矣寶正三年歲在戊子為後唐明宗天成
三年新舊五代史皆不載吳越建元通鑑紀後唐
天成元年吳越王鏐以中國朝命不通改元寶正
而閩自若唐末汎聞錄以寶正為保正余公綽聞
王事迹林仁志王氏啓運圖皆繫寶正於癸未甲
申之間溫公考異俱已正其差繆此簡大書寶正
三年戊子合之武康山雪德廟記寶正六年為重

光單闕其改元紀歲悉與通鑑同符益信金石遺文足資史證 錢武肅改元玉海載有天寶寶大寶正廣初四號薛氏甲子會紀天寶建於戊辰唐天祐五年朱梁之開平二年也寶大改於甲申後唐同光二年寶正改於丙戌天成元年也武肅卒於後唐長興三年壬辰之歲改元廣初未詳何年也

北漢

中郎將石暎墓志

石暎橫各一尺七寸五分二十二行行二十十字至二十二字不等行書蓋題大漢故石府君墓志銘九字篆書在陝西長安縣

故左武衛中郎將石府君墓誌銘

并序

前太子通事舍人朱仲武撰并書

公諱暎字先進其先樂安人後世家於京地今則京兆人也晉將軍苞之慶胃衛純臣碣之靈苗祖孝守珎皆公侯繼業鍾鼎傳門載籍昭彰其來自遠公策名委質夙著令聞孝以承家忠以奉國故得鄉黨稱悌焉朋友稱義焉可謂不忝不怍有典有則者也頃以方事之殷燿火不息而能率先義勇克集茂勲累遷至左武衛中郎將前朝賞有功也公志懷敦素性守謙沖不以榮顯承情但欲優游晦跡而已所冀神降其福天之齡何啻地墓泣瓊藏舟弃壑哀哉以歲次十一月

十四日遭疾終于私第春秋六十有八夫人孫氏夙稟
坤儀素傳內則鼓琴瑟而有節主蘋蘩而知禮嗚呼薜
花早凋瓊枝遽折天不憖遺先公數稔而亡今以歲次
甲子四月庚午葬公于長安龍首原夫人祔焉禮也嗣
子清士冤岳岳湊岫秀等蓼莪在疚染棘其形泣血於
苴麻竭力於窀穸恐時遷陵谷事或幽封爰命揮毫敬
刊貞石詞曰

性質溫溫神儀泚泚職叅禁衛位列中郎流芳後代
秉義前王翼保永終曷其云亡卜地吉辰素車薄葬爰
遷嘉偶及此同壙魄散泉扃神遊總帳後背重崗前臨
疊嶂聊紀世載式昭問望

誌無年號蓋有大漢二字誌曰前朝賞有功也銘曰
秉義前王書合葬之期曰歲次申子蓋暎在後漢時
為中郎將至宋初而卒其葬則以大祖乾德二年甲
子歲也於蓋書大漢於卒年缺其甲子以示暎非宋
臣之意

古誌
石華

右石暎墓志并蓋二石嘉慶二十二年出土卒年
缺葬書甲子而不書國號年號閱題蓋篆書乃知
仕於北漢者按北漢高祖劉知遠以丁未歲稱帝
都汴仍稱天福本後晉高
祖年號子隱帝承祐乾祐三年
為周所篡辛亥知遠弟崇稱帝於晉陽仍稱乾祐
崇卒子承鈞嗣丁巳改元天會戊辰承鈞卒子繼

恩立被弑弟繼元立改元廣運宋太宗太平興國
四年親征太原繼元降北漢前二主四年後四主
二十八年凡三十二年歲次甲子北漢天會八年
實宋太祖乾德二年暎為劉氏舊臣故蓋題大漢
宋既受命故稱前朝不書天會亦不書乾德猶陶
靖節於晉宋之際但以甲子紀年也歐陽五代史
謂亂世縉紳無復廉恥所傳一行僅四五人若暎
之敦素晦跡與朱仲武之書法不苟不尚可道歟
京兆在北漢為永興軍宋初則為陝西路旋置永
興軍路其云率先義勇克集茂勲或即指隱帝二
年平趙思綰之亂也六典左右武衛中郎將各一

人正四品掌領其府校尉旅帥翊衛中屬以宿衛而總其府事太子通事舍人正七品下掌導引東宮諸臣辭見之禮及承令勞問之事

性質溫溫黃氏作性柔誤又黃氏編列宋初案是時宋雖已受命尚是北漢天會八年蓋題大漢列於北漢為得實也

陸增祥志

金石續編卷第十二終